



Pantelhó



Proceso Electoral Local
Extraordinario 2025

**YA'YEJAL K'U X-ELAN ST'UJIK SVA'ANIK
YAJ TUNEL ABTELIK TA YAN XA O
K'AK'AL, TE TA SLUMAL PANTELHO
2025**

Dirección Ejecutiva de Organización Electoral

Mayo 2026.

PANTELHÓ

Pantelhoe ja' jun jteklum te xkom ta Stoylejaj Yosilal Chiapas, ti sbie te likem talel ta bats'i k'op yu'un sk'an xal "Puente jo' " (puente del río). Yu'un li yosilale oy 136.6 km² ti yepal jnaklometike oy 26,391 ti yepale (jabil 2020). Ti yelanil ya'el ti yaj naklomale naka jchi'iltaktik, yu'un la oy 90% jchi'iltik, ti ja' la ta xk'opojik ta bats'i k'op tsotsil xchi'uk bats'il k'op tselal.

SMELOLAL SK'OPLAL LI JTEKLUME

Ta yorail li st'ujel yaj tunel abtelik ta jabil 2024, li Consejo Distrital 02 sventa li Instituto Nacional Electoral (INE) ik'ot ta abtelanel yu'unik snitel sbaik xchapanel sbaik sventa yelanil ta st'uj yaj tunel abtelik ta yan k'ak'al k'uch'al albil sk'oplale. Ti taj une, jel me ti bu ta xk'ot casillaetike xchi'uk, ta ts'akale, iyoch li yepal casillaetik ta xk'ot xa oxe.

Li k'usi ik'otan ta nopele yu'un me ja' skoj ti k'u yelanil vokolal ti oy ep ti sjelta slumalik ti jnaklejetik ta jteklume, yu'un me jech te ipas ta vokol li yabtelal buch'u ta xva'i sventa li casillaetike xchi'uk li sk'oplal sventa sva'anel jtunel j-abteletik ta jteklume.

Ti yelan taje, li *Instituto de Elecciones y Participación Ciudadana (IEPC)* ispajes li st'ujel sva'anel jtunel j-abteletik ta jabil 2024, ja' ti oy vokolale ti xi'el sba ti jteklume.

Yo' xchapaj o jutuke, li *Congreso del Estado* iyal ti xu' xva'i junuk *Concejo Municipal*. Li taje mu'yuk bu isk'anik yu'un ja' to ichapaj ta 9 yual *diciembre* ta 2024 te ta *Tribunal Electoral del Estado de Chiapas*, ti yal sk'opik ti xu' jech. Li Tribunal (Schapanobil) yalik ti ta mantal vune mu'yuk ta xal ti xcha't'ujel jtunel j-abtele yu'un oy yan k'uxi xu' k'elel sventa mu xk'ot ta pasel. Ta xal noxtok ti sva'anel jtunel j-abtele mu me stak' xjalij ech'el ta mu'yuk sk'ak'alil, yu'un sventa te ta sk'el li jtunel jvu'el xchi'uk li oyuk lek yaj tunel abtelik ti jchi'iltaktike.

Taj une, ta 21 yual mayo ta jabil 2025, li Sala Superior del Tribunal Electoral del Poder Judicial de la Federación ispajes jutuk ti k'uxi ta xchapaje va'i un laj yal ti xu' xcha'tuj o mi xcha'va'anik yaj tunel abtelik la vi jabil 2025.

Taje skuenta chk'ot ta xchapanele, ta 3 yual junio ta jabil 2025 li *Congreso del Estado* lik slok'es jun takobil ta ik'el vun, yo bu ta xal ti a 15 yuan junio va'i un ta 31 yual agostoe ta stambe li abtelal sva'anel jtunel j-abtele. Ti k'ak'al taje, li IEPC laj yal ti tas tambe ti abtelal

taje yu'un ta spasik *firmar* svunal xchi'uk li INE xchi'uk li *Secretaría de Seguridad del Pueblo* sventa ta xkoltavanik ta chanubtasvanel k'u yelanil li abtelal sventa li sva'anel jtunel j-abtel k'ucha'al sk'elel xchapanel svunaltak yu'un ja' to mi yich' a'iel buch'u chkome.

SPUKBEL YA'YEJAL YELANIL CHKOM

Sventa ta xich' pukbel ya'yejal xchi'uk ti jchi'iltaktike ti yelanil ta xich' va'anel jtunel j-abtele, ep iyich'an pasel abtelal sventa, lekuk chapal smelolal, yech k'ucha'al k'usi skoj k'usi ya'yejal ti yelanil yich' va'anel jtunel j-abtele.

Ti k'usitik yabtel laj spasane ja' li'e:

- Spasel vunal abtelaletik ta kaxlan k'op, bats'i k'op xchi'uk bats'il k'op
- Spukbel ya'yejal ta lario xchi'uk ta aptael te no'ox ta jteklume
- Spukel xchi'uk sts'ibael ya'yejal te ta jteklum xchi'uk ta ach' k'opojebaletik
- Yalbel smelol ta jchi'iltaktik
- Yich' pasel abtelal k'ucha'al sbonel beetik xchi'uk yantik abtelal

Li abtelaletik taje ja' to me ya'ibeik o lek smelolal li jchi'iltaktike yu'un yil ta satik ya'ibeik smelolal stukik.

Li xchapanel abtelal sventa sva'anel jtunel jva'leje oy oxkoj iyich' pasel ti abtelale, ti bu tsots sk'oplaltake ja'ik li'e:

SBA: XCHAPANEL SVA'ANEL JTUNEL JVA'LEJETIK

Li ta sba li'e yich' chapanael ti buch'u ta x-abtejik ta *Consejo Municipal Electoral*, ti stambeik abtel ta 15 yual julio ta jabil 2025 ti ja' snit sbaik ta abtelale.

Laj stsak sbiik oxib Partidoetike, Movimiento Ciudadano, MORENA y Redes Sociales Progresistas Chiapas. Ti taje 45 yak' sbiik ta x-ochik ta jtunel jva'lejal sventa Ayuntamiento (24 viniketik xchi'uk 21 viniketik), te xa me ti oxvo' jva'lej sventa li Presidente Municipal taj une (jun ants cha'vo' viniketik) ch'abal stsak sbiik yan ti buch'u mu'yuk tik'ilik ta partidoe.

Skotol jayvo' stsakoj sbiik sventa jtunel jva'leje yabtelanik k'ucha'al stalel skuxlej slumale, mi jchi'iltik, mi oy antsetik viniketik xchi'uk mi oy keremetik tsebetik.

TA LEKIL LO'IL XCHI'UK SPASEL JUN O'ONTONAL

Yu'un me jech ti abtelal yich' chapanel sventa li PELE 2025, xchi'uk sventa li abtelal k'ucha'al li sk'eel mi lek ta xu' ti sva'anel jtunel jva'lejetike, lekuk mu'yukuk k'op, iyich'an pasel "Lekil lo'il xchi'uk Spasel jun O'ontonal". Ti k'usitik laj yich'an pasele ja' me sventa ta xu' lekil lo'il xchi'uk skotol jnaklometike yu'un ta xich' k'anel lekuk k'usi ta xk'otan ta pasel yabtelanel sk'opik ti jchi'iltaktike yu'un oyuk yich'elik ta muk' ta sva'anel yaj tunel abtelik.

Li Lekil Lo'il xchi'uk Spasel jun O'ontonale ja' me yabtelan li Secretaría General de Gobierno y Mediación, yu'un ko'ol spas yabtelik xchi'uk li IEPC. Ti taje te me abtejik li jtunel j-abteletik xchi'uk jva'lejetik t alum, jech k'ucha'al noxtok li jva'lejetik ta Junta Local Ejecutiva te ta INE xchi'uk li IEPC, ti taje sventa lekuk oyuk xchapanobil li k'opetik ta xk'otan ta pasel ta jteklume xchi'uk stak'uk k'eel chapanel yu'un li Tribunal Electoral.

Yich' pasel vaxakten chotlej ta mexa sventa lo'il ta yual junio k'alal to agosto ta jabil 2025, ti te yich' k'eel yelanil ti abtela ta jtunel jvu'el xchi'uk li jchi'iltaktike, ti k'usi ta xich' k'anele ja' li ich'el ta muk', jun o'ontonal xchi'uk ko'ol abtelale.

NITBAIL XCHI'UK KO'OL ABTELAL XCHI'UK YANTIK NAIL ABTELALETIK

Li chapanej bail sventa li sva'anel jtunel j-abteletike, iyich' pasel firmar cha'tos vunetik yo bu ta xal yelanil ta skolta sba li INE xchi'uk li Secretaría de Seguridad del Pueblo de Chiapas. Li ba'yie te ta xal k'uxi lek chapajem smelolal xchi'uk k'uxi chtun li *casillaetike*, li xchibal une te me ta xal k'usi lek k'elbil chabibil skotol li vunetik sventa bu yal sk'opik buch'u tsva'anik yaj tunel abtelik jchi'iltaktike.

Jech noxtok, ko'ol iyu' abtelal xchi'uk jaychop nail abtelal sventa Mejiko xchi'uk li estaro yu'un ja' chich' k'anel li ich'el ta muk', jun o'ontonal xchi'uk lekuk li stu'jel jtunel jva'leje.

MESA DE SEGURIDAD SVENTA SK'ELEL ICH'EL TA MUK' XCHI'UK SK'ELEL ABTELAL

Ti li'e ja' sventa xk'ot ta pasel li k'usi yalojik li Tribunal Electoral, jech o me ti chich' ak'el *Mesa de Seguridad y Seguimiento Interinstitucional* sventa xk'ot ta pasel abtelal ta mu'yuk sa'k'op. Ti taj une yu'un me i-abtejik li jtunel jva'lejetik sventa Mejiko, estaro xchi'uk buch'utik ta sba sva'anel jtunel j-abteletik, taje sventa lekuk ko'ol abtelal, oyuk ich'el ta muk', k'eel ta sk'an to'ox, ta xyaket xchi'uk mi laj sva'anel jtunel j-abteletike.

Le' ta yual julio xchi'uk agosto 2025 laj me yich'an pasel tsobajeletik sventa li abtele, yu'un sk'an to'ox xlik abtele, yich' ak'el jun mexa sventa ta xich' k'elbel smelolal mi oy mi ch'abal

k'ope. Koliyal li tsobol abtelale, li sva'anel jtunel j-abtele lek iyu' lek cholol ibat mu'yuk tsots ti k'opetike, yu'un jun xa o jech ti yo'onik li jchi'iltaktike.

XCHA'KOJOL: SK'AK'ALIL ST'UJEL SVA'ANEL JTUNEL J-ABTELETIK

Ta 31 yual agosto ta 2025, ta vaxakib ora sob, li Consejo General del Instituto xchi'uk li *Consejo Municipal Electoral* te ta Pantelhó istambeik me abtel sventa ta sk'elik yelanil ta pasel li sva'anel jtunel j-abtele xchi'uk lekuk xich' k'elel chapanele.

Ti abtelaletik taje, li *órganos electorales* yu'un te sk'elik schabiik ti jun abtelal ja' sbi *Sistema de Información sobre el desarrollo de la Jornada Electoral (SIJE)*, taje yu'un me sk'elik o k'u yelanil ta xchapanik li casillaetike, li jtunel j-abteletike, li jva'lejetik lek tsakal biik sventa ti partidoetike, skotol ti k'usi ta xk'otan ta pasele xchi'uk ti yelanil k'usi ta spasik ti viniketik antsetik te ta skolta sbaik ta sva'anel jtunel j-abteletike.

K'alal yolel ti abtelal st'ujel sva'al jtunel j-abteletike, sventa ti lekuk ti abtelale ta xich' pasel yu'un yich' chapanel ich'el ta muk' xchi'uk oyuk slekila mantalil ti k'usi ta xich' pasel, yu'un abtejik 23 ta tos k'opojebaletik, yu'un lek k'opojebal ta skotol, yich' abtelanel k'uxi xlok'ik yal sk'opik ya'yejik ti jchi'iltaktike yu'un iyich' pukbul ya'yejal ti k'u x-elan stak' x-abtej stak' xlekub ti jteklum Pantelhó.

Iyich' jamel 28 casillaetik, k'usi noxtoke, te oy tunik abtejik 27 antsetik viniketik sk'elik ti st'ujel sva'anel jtunel j-abteletike. Li yepal jch'iltaktik buch'utik stak' st'ujik yaj tunel abtelike ja' 15,260 te ta vun une ja' 15,256 jchi'iltaktik, tabil ta 2 yual abril 2024.

K'alal laj ti abtelale, ti k'usi tsots sk'oplale ja' me yich'el xa ech'el ti vunetik yo bu yal sk'opik buch'u yaj tunel vu'elik ti jchi'iltaktik ispasik votare. Taje yu'un me ta sk'an ich'el ta muk', yu'un iyich' ak'bel yav te ta nail abtelal yu'un IEPC te ta Tuxtla Gutiérrez, Chiapas, yu'un jech ko'ol laj yich' alel xchi'uk li Consejo Distrital 02 sventa INE ti te oy ta Bochil. Ti bu taj une te me laj yich' ich'el 28 chapajtik bajajtik vun te tikil k'usi yalojik ti jchi'iltaktik ist'ujik ti yaj túnel vu'elike, li abtelal laj spasike ko'ol xchi'uk jtunel jvu'eletik ta Mejiko, ta estaro, svent ti st'ujel jtuneletike, sventa político, jtunel jchabivanejetik xchi'uk li jchi'iltaktike.

YOXKOJOL: SNITEL K'U YEPAL T'UJEL VA'ANEL JTUNELETIK

Ta 1 yual septiembre ta jabil 2025, li CME te ta Pantelhó iyich' pasel tsobajel abtelal sventa ta xich' k'elel mi oy to yan kechel svunaltak o mi oy mu xvinaj lek jech k'ucha'al mi ts'akal laj yich' ich'el ti bajal vun k'alal laj li abtelal st'ujel sva'anel jtuneletike. Li abtelale ko'ol laj yich' pasel xchi'uk jva'lejetik ta partidoetik ti ta meel ja' yabtel ta spasike.

K'alal laje, iyu' anil tsobbail taje k'alal sk'an to'ox ta xich' nitel tsobel skotol ta chinamtak'in ti votoetike, ti taje yu'un me yich' k'elbel smelolal ti k'uxi xchapajem smelolal ti snitel ta chinamtak'ine. Yu'un ti k'usi taje ja' me sventa sk'eel xchi'uk yich'el ta muk' lek ti smelol ta xal ti snitel yepal voto ta chinamtak'ine.

Ta 2 yual septiembre li CME te ta Pantelhó te me ispas jun tsobol ta abtelal ti ja' sbi Sesión Especial Permanente de Cómputo ti teik me ti buch'utik ta x-abtejik ta Ayuntamiento, jun abtelal te iyu' ta opisina te ta Instituto te ta Tuxtla Gutiérrez, Chiapas. Ti yelanil yich' pasele ja' me skoj ti sventa ta xich' chabiel lek ti vunetik ja' sts'ibik ti jnalometik ta st'ujik ta sva'anik yaj tunelike xchi'uk ti buch'utik ta x-abtejike. K'alal yich' k'eel ti votoetik ta chinamtak'ine, te me yich' ilel 25 actaetik xchi'uk te oxib bajal vunetik ti te oy votoetike. K'alal laj yich' ilel taje iyich' k'eel ti k'u yepale buch'u ep ti svotoe, li Consejo une laj yal ti ta xich' ich'el ta muk' li st'ujel sva'anel jtuneletik ti taj une iyak'be me Svunal Ikuch Yu'une ep ista svotoe yu'un jech iyich' pasbel svunal ja' ikuch yu'un li Partido Redes Sociales Progresistas Chiapas, yu'un jech ja' ep ista ti svotoe, jech k'ucha'al ta xal li chapanbil smelolal li'e:

Municipio		morena		No Registrados	Votos Nulos	Total de votos	Lista Nominal	% Participación Ciudadana
Pantelhó	748	3,277	4,580	0	211	8,816	15,256	57.78

Sventa chak'anbe lek smelolale, xu' xajak'be ya'yejal li'toe ja' no'ox xalok'ta li *código* li'e, xchi'uk xu' noxtok xa-och te yo bu ts'ibabile:

